

Последование
Недели
Торжества
Православия

Диáкон: Благослові, владыко.

Священник: Благословен Бог наш всегда, ныне и присно, и во веки веков.

Хор: Аминь.

Диáкон: Слава Тебе, Боже наш, слава Тебе.

Хор (народ): Царю Небесный,/ Утешителю, Душе истины,/ Иже везде сый/ и вся исполняяй,/ Сокровище благих/ и жизни Подателю,/ прииди и вселися в ны,/ и очисти ны от всякия скверны,// и спаси, Блаже, души наша.

Чтец: Святы́й Бо́же, Святы́й Кре́пкий, Святы́й Безсме́ртный, поми́луй нас. **(Трижды).**

Слава и ныне.

Пресвятая Троице, поми́луй нас; Го́споди, очисти грехи́ наша; Влады́ко, прости́ беззакония́ наша; Святы́й, посети́ и исцели́ немо́щи наша, имене Твоего́ ради.

Го́споди, поми́луй. **(Трижды).** Слава и ныне.

О́тче наш, Иже еси́ на Небесе́х, да святится́ и́мя Твое́, да приидет Ца́рствие Твое́, да бу́дет во́ля Твоя́, я́ко на Небеси́ и на земли́. Хлеб наш насущный да́ждь нам днесь; и остави́ нам до́лги наша, я́коже и мы оставля́ем должникóм нашим; и не введи́ нас во искуше́ние, но изба́ви нас от лука́ваго.

Священник: Я́ко Твое́ есть Ца́рство, и си́ла, и сла́ва, Отца́ и Сы́на и Свята́го Ду́ха, ны́не и присно́ и во ве́ки веко́в.

Чтец: Аминь. Го́споди, поми́луй. **(12 раз).** Слава и ныне.

Приидите, поклонимся Царéви нашему́ Бо́гу.

Приидите, поклонимся и припаде́м Христу́, Царéви нашему́ Бо́гу.

Приидите, поклонимся и припаде́м Самому́ Христу́, Царéви и Бо́гу нашему́.

Псалом 74:

Испове́мся Тебе́, Бо́же, испове́мся Тебе́, и призове́м и́мя Твое́; пове́м вся чудеса́ Твоя́. Егда́ прииму́ вре́мя, Аз правоты́ возсужду́. Растая́ся земля́ и вси живу́щии на ней, Аз утверди́х столпы́ ея́. Рех беззако́нующым, не беззако́нуйте: и согреша́ющим, не возносите́ ро́га, не воздвиза́йте на высоту́ ро́га ва́шего, и не глаго́лите на Бо́га не-пра́вду: я́ко ниже́ от исхо́д, ниже́ от за́пад, ниже́ от пусты́х гор. Яко Бог судия́ есть: сегó смиря́ет, и сегó возно́сит. Яко ча́ша в руце́ Господни, вина́ не раство́рена, испо́ль раство́рения, и уклони́ от сея́ в сию́: о́баче дро́ждие Егó не исто́щися, испи́ют вси грешни́и землі́. Аз же возра́дуюся в век, воспою́ Бо́гу Иа́ковлю: и вся ро́ги грешных сло́млю, и вознесётся́ рог пра́веднаго.

Сла́ва и ны́не. Аллилу́ия, аллилу́ия, аллилу́ия сла́ва Тебе́ Бо́же. (Три́жды).

Вели́кая ектенія́:

Диáкон: Мíром Го́споду помóлимся.

Хор: Го́споди, помíлуй

О Свѣ́шнем мíре и спасѣ́нии душ на́ших, Го́споду помóлимся.

О мíре всего́ мíра, благостоя́нии Святы́х Бо́жиих Церквѣ́й и соединѣ́нии всех, Го́споду помóлимся.

О святѣ́м хра́ме сем и с вѣ́рою, благоговѣ́нием и стра́хом Бо́жиим входя́щих в`онь, Го́споду помóлимся.

О вели́ком Господíне и Отце́ на́шем Святе́йшем Патриáрхе Кири́лле, и о Господíне на́шем, Высокопреосвяще́ннейшем митрополíte **(или́: архиепи́скопе, или́: преосвященнейшем епи́скопе) (имярек),** честне́м пресвѣ́терстве, во Христѣ́ диáконстве, о всем при́чте и лю́дех, Го́споду помóлимся.

О Богохрани́мей странѣ́ на́шей, власте́х и во́инстве ея́, Го́споду помóлимся.

О граде сем (**или́:** о вѣси сей), всяком граде, странѣ и вѣрою живущих в них, Господу помолимся.

О благорастворѣнии воздухов, о изобилии плодов земных и временех мирных, Господу помолимся.

О плавающих, путешествующих, недугующих, страждущих, плененных и о спасеннии их, Господу помолимся.

О еже милостивым оком призрѣти на Святую Свою Церковь, и соблюсти ю невредиму и непребориму от ересей и суевѣрий, и миром Своим оградити, Господу помолимся.

О еже утишити раздирания ея и силою Святаго Духа обратити всех отступивших к познанию истины и сопричестии ко избранному Своему стаду, Господу помолимся.

О еже просветити вся светом Своего богоразумия, верных же Своих укрепити и непоколебимых в правовѣрии соблюсти, Господу помолимся.

О избавитися нам от всякия скорби, гнева и нужды, Господу помолимся.

Заступи́, спаси́, помилуй и сохрани́ нас, Бо́же, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу́ Бо́гу предадим.

Хор: Тебѣ, Господи.

Священник: Яко подобает Тебѣ всякая слава честь и поклонение, Отцу́ и Сыну́ и Святому́ Духу, ныне и присно и во веки веков.

Хор: Ами́нь.

Бог Господь, Глас 4:

Диакон: Бог Господь, и явися нам, благословен Грядый во Имя Господне.

Стих 1: Исповедайтесь Господеви, яко благ, яко в век милость Его.

Стих 2: Обышедше обыдоша мя, и Именем Господним противляхся им.

Стих 3: Не умру, но жив буду, и повею дела Господня.

Стих 4: Камень, Егоже небрегоша зидущии, Сей бысть во главу угла, от Господа бысть Сей, и есть дивен во очесех наших.

Тропарь, Глас 4:

Благодарни суще недостойнии рабы Твои, Господи, / о Твоих великих благодеяниях, на нас бывших, / славяще Тя, хвалим, благословим, благодарим, поем и величаем Твое благоутробие, / и рабски любовию вопием Ти: // Благодетелю, Спасе наш, слава Тебе.

Слава, Тропарь, Глас 3:

Твоих благодеяний и даров туне, / яко рабы непотребнии, сподобльшися, Владыко, / к Тебе усердно притекающе, / благодарение по силе приносим / и Тебе яко Благодетеля и Творца славяще, вопием: // слава Тебе, Боже Прещедрый.

И ныне, Богородичен, Глас 4:

Якоже вышняя тверди благолепие, / и нижнюю споказал еси красоту святого селения славы Твоея, Господи, / утверди сие во век века / и прими наша в нем непрестанно приносимая Тебе моления, Богородицею, // всех Животе и Воскресение.

Диакон: Вонмем.

Священник: Мир всем.

Чтец: И духови твоему.

Диакон: Премудрость.

Чтец: Прокімен, Глас 4: Насаждѣни в дому Господни,/ во двѳрех Бѳга нашего процветут. **Стих:** Веселитесь, праведнии, о Господе, правым подобает похвала.

Диакон: Премудрость.

Чтец: К Римлянѳ послания святаго Апѳстола Павла чтѣние.

Диакон: Вѳнмем.

Зачало 121:

Чтец: Братие, молю вы, блюдитея от творящих распри и раздѳры, кромѣ учѣния, емуже вы научитесь, и уклонитесь от них. Таковии бо Господеви нашему Иисусу Христу не рабѳтают, но своему чреву: иже благими словесы и благословѣнием прельщают сердца незлѳбивых. Ваше бо послушание ко всем достиже. Радуюся же еже о вас. Хощу же вас мудрым убо быти во благое, простым же в злое. Бог же мира да сокрушит сатану под ноги ваша вскоре. Благодать Господа нашего Иисуса Христа с вами. Аминь.

Священник: Мир ти чтущему.

Чтец: И духови твоему.

Диакон: Премудрость, прѳсти, услышим святаго Евангелия.

Священник: Мир всем.

Хор: И духови твоему.

Священник: От Матфея святаго Евангелия чтѣние.

Хор: Слава Тебѣ, Господи, слава Тебѣ.

Диакон: Вѳнмем.

Зачало 75:

Священник: Рече Господь: блюдите, да не презрите единого (от) малых сих: глаголю бо вам, яко ангели их на небесех выну видят лице Отца Моего Небеснаго. Прииде бо Сын Человеческий взыскати и, спасти погибшаго. Что вам мнится? Аще будет некоему человеку сто овец, и заблудит едина от них: не оставит ли девяносто и девять в горах, и шед ищет заблудшия? И аще будет обрести ю, аминь глаголю вам, яко радуется о ней паче, неже о девяносто

и девяти не заблуждших. Тако несть воля пред Отцем вашим Небесным, да погибнет один от малых сих. Аще же согрешит к тебе брат твой, иди и обличи его между тобою и тем единым. Аще тебе послушает, приобрел еси брата твоего. Аще ли тебе не послушает, пойми с собою паки единого или два, да при устех двою или трех свидетелей станет всяк глагол. Аще же не послушает их, повеждь церкви; аще же и церковь преслушает, буди тебе якоже язычник и мытарь. Аминь бо глаголю вам: елика аще свяжете на земли, будут связана на Небеси, и елика аще разрешите на земли, будут разрешена на Небесех.

Хор: Слава Тебе, Господи, слава Тебе.

Сугубая ектения:

Диакон: Помилуй нас, Боже, по велицей милости Твоей, молим Ти ся, услыши и помилуй.

Хор: Господи, помилуй. (Трижды).

Еще молимся о Великом Господине и Отце нашем Святейшем Патриархе Кирилле, и о Господине нашем Высокопреосвященнейшем митрополите **(или: архиепископе, или: преосвященнейшем епископе) (имярек),** и всей во Христе братии нашей.

Еще молимся о Богохранимемей стране нашей, властех и воинстве ея, да тихое и безмолвное житие поживем во всяком благочестии и чистоте.

Еще молимся о блаженных и приснопамятных создателях святого храма сего, и о всех преждепочивших отцех и братьях, где лежащих и повсюду, православных.

Еще молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святого храма сего.

Не хотяй смерти грешных, но ожидая обращения и покаяния, соедини всех во Святей Твоей Церкви, молим Ти ся, Милосердый Господи, услыши и помилуй.

Устроивый мир сей в славу Твою, сотвори, яко да истинною верою и благочестием Тебе, Бога нашего, прославят, молим Ти ся, Всесильный Творче, услыши и помилуй.

Давый заповедь Твою нам, еже любити Тебе, Бога нашего, и ближняго своего, сотвори, да ненависти, вражды, обиды и прочия беззакония прекратятся, истинная же любовь да царствует в сердцах наших, молим Ти ся, Спасителю наш, услыши и милостивно помилуй.

Еще молимся о плодоносящих и добродееющих во святем и всечестнем храме сем, труждающихся, поющих и предстоящих людех, ожидающих от Тебе великия и богатыя милости.

Священник: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Хор: Амѣнь.

Диакон: Господу помолимся.

Хор: Господи, помилуй.

Священник: Всевышний Боже, Владыко и Содетелю всея твари, наполняяй вся величеством Твоим и содержай силою Твоею! Тебе, Вседаровитому Господу нашему, мы, недостойнии, благодарение приносим, яко не отвращаеши нас беззаконий ради наших, но паче предваряеши ны щедротами Твоими. Ты ко избавлению нашему послал еси Единороднаго Твоего Сына, и благовестил безмерное Твое к роду человеческому низхождение, яко хотением хощеши и ожидаеши, еже обратитися нам к Тебе и спасеным быти. Ты, снисходя к немощи нашего естества, укрепляеши нас всесилою Святаго Твоего Духа благодатию, утешаеши спасительною верою и совершенною надеждою вечных благ и, руководствуя избранных Твоих в горний Сион, соблюдаеши, яко зеницу ока. Исповедуем, Господи, великое

Твоё и безприкладное человеколюбие и милосердие. Но видяще многих поплзновения, прилежно Тя, Всеблагий Господи, молим: призри на Церковь Твою и виждь, яко Твоё спасительное благовестие, аще и радостно прияхом, но терние суеты и страстей творит оное в неких малоплодно, в неких же и бесплодно, и по умножению беззаконий овии ересьми, овии расколом противящися евангельской Твоей истине, отступают от достоинства Твоего, отрывают Твою благодать и повергают себе суду Твоего Пресвятаго Слова. Премилосердый и Всесильный, не до конца гневаяйся, Господи! Будь милостив, молит Тя Твоя Церковь, представляючи Тебе Начальника и Совершителя спасения нашего, Иисуса Христа, будь милостив нам, укрепь нас в правоверии силою Твоею, заблуждающим же просвети разумныя очи светом Твоим Божественным, да уразумеют Твою истину; умягчи их ожесточение и отверзи слух, да познают глас Твой и обратятся к Тебе, Спасителю нашему. Исправи, Господи, иных развращение и жизнь, несогласную христианскому благочестию; сотвори, да вси свято и непорочно поживем, и тако спасительная вера укоренится и плодоносна в сердцах наших пребудет. Не отврати Лица Твоего от нас, Господи, воздаждь нам радость спасения Твоего; подаждь, Господи, и пастырем Церкви Твоея святую ревность, и о спасении и обращении заблуждающих попечение их, духом евангельским раствори, да Тобою вси руководими, достигнем, идеже совершение веры, исполнение надежды и истинная любовь, и тамо с лики чистейших Небесных Сил прославим Тебе, Господа нашего, Отца и Сына и Святаго Духа, во веки веков.

Хор: Амѣнь.

Затѣмъ диаконъ возглашаетъ (при этомъ хоръ ничего не повторяетъ):

Диаконъ: Кто Богъ велий, яко Богъ нашъ?/ Ты еси Богъ, творяй чудеса Единъ.

Потомъ громче:

Диаконъ: Кто Богъ велий, яко Богъ нашъ?/ Ты еси Богъ, творяй чудеса Единъ.

И еще громче:

Диаконъ: Кто Богъ велий, яко Богъ нашъ?/ Ты еси Богъ, творяй чудеса Единъ.

И продолжаетъ:

Диаконъ: Православия день празднующе, православнии людие, наипаче прославимъ Виновника всехъ благъ Бѣга, Иже Сый благословенъ во веки. Сей Богъ нашъ, промышляя и утверждая возлюбленное Свое достоинство – Святую Церковь, праотцевъ, преступлениемъ отпадшихъ, утешая неложнымъ Своимъ словомъ, еще в рай основание ей положи. Сей Богъ нашъ, руководствуя ко оному спасительному обетованию, не прикровенна Себѣ остави, но хотящее быти спасение провозвести прежде чрезъ отцевъ и пророковъ, живописавъ различными образы. Сей Богъ нашъ, многочастне и многообразне древле глаголавый отцемъ во пророцехъ, в послѣдокъ дней сихъ глагола намъ в Сѣне, Имже и веки сотвори, Иже возвести Отчее о насъ благоволение, открытаинства Небесная, увери силою Святаго Духа о истине благовѣстия, посла апостолы во весь миръ проповѣдати Евангелие Царствия, утверди оное различными силами и чудесы. Сему спасительному откровению послѣдующе, сего благовѣстия держась.

Веруемъ во единого Бѣга Отца Вседержителя, Творца небу и земли, видимымъ же всемъ и невидимымъ. И во единого Господа Иисуса Христа, Сына Бѣжия, Единороднаго, Иже от Отца рожденнаго прежде всехъ векъ. Свѣта от Свѣта, Бѣга истинна от Бѣга истинна, рожденна, несотворенна,

единосущна Отцѹ, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на Небеса, и сядуща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящего, Иже со Отцем и Сыном спокланяема и сславима, глаголавшаго пророки. Во едину Святую, Соборную и Апостольскую Церковь. Исповедуем едино крещение во оставление грехов. Чаем воскресения мертвых, и жизни будущаго века. Аминь.

Сия вера апостольская, сия вера отеческая, сия вера православная, сия вера вселенную утверди.

Еще же Соборы святых отец и их предания и писания, Божественному Откровению согласная, приемлем и утверждаем.

Всем же о Православии подвизавшимся словесы, писанию, учению, страданию и богоугодным житием, яко защитникам и пособникам онаго, Христова Церковь, ныне наше воспоминание творящи, восклицает:

Святѣйшим православным Патриархом Константинопольским, Александрийским, Антиохийским, Иерусалимским и Всероссийским и прочим Преосвященным митрополитом, архиепископом и епископом православным, вечная память.

Хор: Вечная память. (Трижды).

Диакон: Святым равноапостольным царю Константину и матери его Елене, вечная память.

Хор: Вечная память. (Трижды).

Диáкон: Благовѣрному равноапóстольному вели́кому князю Владíмиру и благовѣрной вели́кой княгíне О́льге, вѣчная пáмьять.

Хор: Вѣчная пáмьять. (Трѣжды).

Диáкон: Пострадáвшим и убиѣнным в разлѣчных похóдах за правослáвную вѣру и Отѣчество, вождѣм и во́ином, и всем правослáвным христиáном, в íстинней вѣре и благочѣстии и в надѣжди воскресѣния скончáвшимся, вѣчная пáмьять.

Хор: Вѣчная пáмьять. (Трѣжды).

Диáкон: Правослáвная Христо́ва Цѣрковь, торжѣственно воспомина́ющи подвизáвшихся во благочѣстии и сие́ всем сво́им христоименítым чáдом к подражáнию представля́ющи, восхваля́ет пóдвиги сих, íже и нýне, спасíteльною вѣрою и добродѣтелию приуготовля́юще себѣ к вѣчному блажѣнству, утвержда́ют Правослáвие.

Диáкон: Вели́кому господíну и отцú нашему Кириллу, Святѣйшему Патриáрху Москóвскому и все́я Русí, мно́гая лѣта.

Хор: Мно́гая лѣта. (Трѣжды).

Диáкон: Святѣйшим правослáвным Патриáрхом (Константинопóльскому, Александрíйскому), Антиохíйскому, Иерусали́мскому и прóчим Святѣйшим правослáвным Предстоя́телем, мно́гая лѣта.

Хор: Мно́гая лѣта. (Трѣжды).

Диáкон: Господíну нашему (высоко-) преосвящѣннейшему (имярек), митрополíту (или́: архиепíскопу, или́: епíскопу, егóже есть о́бласть), мно́гая лѣта.

Хор: Мно́гая лѣта. (Трѣжды).

Диáкон: Преосвященным православным митрополитом, архиепископом и епископом и всему освященному причту, мно́гая лéта.

Хор: Мно́гая лéта. (Три́жды).

Диáкон: Богохрани́мей странé нашей, властём и во́инству ея́, мно́гая лéта.

Хор: Мно́гая лéта. (Три́жды).

Диáкон: Всем православным христиáном, право содержа́щим спаси́тельную ве́ру и повиную́щимся Христо́вей Це́ркви, пода́ждь, Го́споди, мир, благоде́нствие, изоби́лие плодо́в земных и мно́гая лéта.

Хор: Мно́гая лéта. (Три́жды).

Священник: Свята́я Трои́це, сих просла́ви и утверди́ да́же до конца́ в правове́рии, отвраща́ющия же ся святы́я и спаси́тельныя правосла́вныя ве́ры и Христо́вы Це́ркве обрати́ и сотвори́, да вси прии́дут в познáние вéчныя Твоея́ истины, моли́твами Пресвяты́я Влады́чицы нашея Богоро́дицы и Присноде́вы Мари́и и всех святых.

Сла́ва Тебе́, Бо́гу, Благода́телю нашему, во ве́ки веко́в.

Хор: Ами́нь.

Песнь свт. Амвро́сия Медиола́нского:

Хор: Тебе́, Бо́га, хва́лим,/ Тебе́ Го́спода испове́дуем,/ Тебе́ Превéчнаго Отца́ вся земля́ велича́ет;/ Тебе́ вси А́нгели,/ Тебе́ Небеса́ и вся Си́лы,/ Тебе́ Херувими́и и Серафими́и непреста́нными гласы́ взыва́ют:/ Свят, Свят, Свят Го́сподь Бог Савао́ф,/ по́лны суть Небеса́ и земля́ вели́чества сла́вы Твоея́./ Тебе́ пресла́вный апо́стольский лик,/ Тебе́ проро́ческое хвалéбное числó,/ Тебе́ хва́лит пресвётлое мучени́ческое во́инство./ Тебе́ по всей вселénней испове́дует Свя-та́я Це́рковь,/ Отца́ непостижи́мага вели́чества,/ поклоня́емаго Твоего́ и́стиннаго и Единоро́днаго Сы́на,/ и Свята́го Уте́шителя Ду́ха./ Ты, Царю́ сла́вы, Христé,/ Ты Отца́ Присносу́щный Сын еси́./ Ты, ко избавлénию приéмля

человека,/ не возгнушался еси Девическаго чрева./ Ты, одолев смерти жало,/ отверзл еси верующим Царство Небесное./ Ты одесную Бога седиши во славе Отчей,/ Судия приити веришися./ Тебе убо просим:/ помози рабom Твоим,/ ихже честною Кровию искупил еси./ Сподоби со святыми Твоими в вечной славе Твоей царствовать./ Спаси люди Твоя, Господи,/ и благослови достояние Твое,/ исправи я, и вознеси их во веки:/ во вся дни благословим Тебе,/ и восхвалим имя Твое во век, и во век века./ Сподоби, Господи, в день сей без греха сохранитися нам./ Помилуй нас, Господи, помилуй нас,/ буди милость Твоя, Господи, на нас,/ якоже уповахом на Тя./ На Тя, Господи, уповахом, // да не постыдимся во веки. **Аминь.**

Во время пения все целуют святые иконы на аналоях.

Священник: Слава Тебе, Христе Боже, Упование наше, слава Тебе.

Хор: Слава, и ныне. Господи, помилуй. **(Трижды).**
Благослови.

Священник: Отпуст.

Многолетие:

Хор: Великаго Господина и Отца нашего Кирилла,/ Святэйшаго Патриарха Московского и всея Руси,/ и Господина нашего (Высоко-) Преосвященнейшаго **(имярек),** / **(архи-)епископа (митрополита (титул)),** / богохранимую страну нашу Российскую,/ настоятеля, бранию и прихожан святáго храма сего/ и вся православныя христианы, // Господи, сохрани их на многая лета.

